



Broj: 07/2-14-1287/19  
Vogošća, 17.07.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 17.07.2019. godine donio je

**ODLUKU  
O IZBORU NAJPOVOLJNIJEG PONUĐAČA ZA NABAVKU I ISPORUKU SITNOG ALATA I  
INVENTARA, ZA POTREBE OPĆINE VOGOŠĆA**

**Član 1.**

Ponuda ponuđača "Senigor" d.o.o. Sarajevo, ulica Osik do broja 1 Sarajevo, odabrana je za nabavku i isporuku sitnog alata i inventara, za potrebe Općine Vogošća, kao prvoplasirana na Rang listi, sa ponuđenom najnižom cijenom tehnički zadovoljavajuće ponude u iznosu od od 11.800,00 KM bez uračunatog PDV-a, odnosno 13.806,00 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 20.06.2019. godine donio Odluku o pokretanju Otvorenog postupka nabavke i isporuke sitnog alata i inventara, za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 20.06.2019. godine pod brojem: 1353-1-1-134-3-98/19.

Sažetak Obavještenja o nabavci objavljen je u "Službenom glasniku BiH" broj: 44/19 od 28.06.2019. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 10.07.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.07.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-1287/19 iz juna 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Adazal" d.o.o. Sarajevo	16.480,87	/	/	19.282,62
2	"Senigor" d.o.o. Sarajevo	19.987,91	15%	16.989,72	19.877,97
3	"Braća Karić" d.o.o. Zenica	19.209,05	/	/	22.474,59
4	"Penny Plus" d.o.o. Sarajevo	15.053,03	/	/	17.612,05

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Adazal" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
  - Ugovorni organ je na strani 27. TD u Napomeni pod brojem 5. jasno zahtjevao obavezni ručni unos podataka. Ponuđač "Adazal" d.o.o. Sarajevo je u svojoj Ponudi (strana 17-24. Ponude) Obrazac za cijenu ponude-Aneks 2 popunio elektronski, te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Senigor" d.o.o. Sarajevo
- "Braća Karić" d.o.o. Zenica i
- "Penny Plus" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda nakon čega je utvrđeno da postoji računska grešaka u Ponudama ponuđača "Senigor" d.o.o. Sarajevo i "Penny Plus" d.o.o. Sarajevo.

Komisija za javne nabavke postupajuću u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07/2-14-1287/19 od 12.07.2019. godine dostavila na davanje saglasnosti ponuđačima "Senigor" d.o.o. Sarajevo i "Penny Plus" d.o.o. Sarajevo.

Ponuđač "Senigor" d.o.o. Sarajevo je svojim aktom broj: 07/19 od 12.07.2019. godine dao saglasnost na ispravku računске greške, tako da umjesto ukupne ponuđene cijene u iznosu od 16.989,72 KM sa ponuđenim popustom bez uračunatog PDV-a, ukupna cijena ponude nakon prihvaćene ispravke od strane ponuđača iznosi 16.920,90 KM sa popustom bez uračunatog PDV-a.

Također, ponuđač "Penny Plus" d.o.o. Sarajevo je svojim aktom broj: 07/12-1/19 od 12.07.2019. godine dao saglasnost na ispravku računске greške, tako da umjesto ukupne ponuđene cijene u iznosu od 15.053,03 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 15.009,21 KM bez uračunatog PDV-a.

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50% ukupne vrijednosti od ponuđenih roba imaju porijeklo iz BiH.

Komisija za javne nabavke je konstatovala da niko od ponuđača nije dostavio Potvrdu Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 17.07.2019. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 17.07.2019. godine, Komisija za javne nabavke je sačinila sljedeću Rang listu u Otvorenom postupku nabavke i isporuke sitnog alata i inventara, za potrebe Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Senigor" d.o.o. Sarajevo	11.800,00	13.806,00
2	"Penny Plus" d.o.o. Sarajevo	11.900,00	13.923,00
3	"Braća Karić" d.o.o. Zenica	14.885,00	17.415,45

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Senigor" d.o.o. Sarajevo, za nabavku i isporuku sitnog alata i inventara, za potrebe Općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 11.800,00 KM bez uračunatog PDV-a, odnosno 13.806,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Adazal" d.o.o. Sarajevo
2. "Senigor" d.o.o. Sarajevo
3. "Braća Karić" d.o.o. Zenica
4. "Penny Plus" d.o.o. Sarajevo
5. Nadležnoj Službi
6. U dosije
7. a/a

033/586-941

033/765-591

032/404-055

033/467-820

